

Band X., Nr. 4540, Seite 251-252

Friedrich von Nördlingen verkauft an Kloster Zoffingen einen Hof in Wiggerweiler, der Lehen ist von Kloster Löwental.

Ohne Ortsangabe, 1294. Juni 24.

In gottes namen. Amen. Wan menshlich sin blöde und cranch ist und die lüte dikke under ain ander vergessent, swas si mit ain ander ze tünne hant, so leret das dū rehte wishait, swas si mit ain ander werbint und gedingint, daz man daz mit brieven und mit gezügen ordenlich und wol behalti, daz dekain kumphtich criech dar nach gangi. Und dar umbe so sont alle die wissen, die disen brief sehent alder hörent lesen, daz ich Friderich von Nördlingen han gegeben ze kóffen der priorin und dem convente von Zovingen, die da sint gesessen zu Costenze inrunthalp der rinchmüre, minen hof ze Wiggerwiler umbe vierzich phunt und trissich shillinge phenninge Costenzer münse, der ich bin von in gewert, den ich da kófte umbe die vröwan von Lewental, und liez ich der vor genent Friderich die aigenschaft dez vor genenten hof es in der vrowan hant von Löwental an ir genade und han ich der vor gesprochen Friderich gelobt, daz ich sol wer sin dez vor genanten hofez und swas dar zū horet in holz in velde in wasen alder in zwige voi künge und kaiser und an allen den stetten, swa siüz bedürfen. Und hant die vor genanten priorin und der convente von Lewental den vor genenten vröwan von Zovingen den vor genenten hof gelúhen iemmer me ze henne z ainem rechten cinselehen also, daz die selben vröwan von Zovingen jargelich gebint ze sant Martins dult gen Lewental ainen halben vierdunch waxeses z ainer gehúgde und z ainem rechten zinsse. Diz kóffes und dierre geshicht so ist geziuch her Swigger von Teggenhusen, brüder Johannes uz der Ówe¹, Berhtolt der amman von Márhdorf, Hainrich Mædelinch der alte, Cünraht der amman, Jacob von Bermatingen, Rudolf der smit, Ulrich Sengewin, Cünrat von Shnezzehusen, Cünrat Stetten, der Bürster, der Waller, broder Herman der Waller und ander lüte genüge, die daz sahent und hortont. Und dar úber so gebint wir diu priorin und der convent gemainlich von Lewental für allen criech disen brief gezaichent und gevestet mit únsERM insigel.

 Diz beschach an dem nahsten sant Johannes tage Baptisten, do man zalt von gottes gebürt túsent jar zwai hundert jar núnztich jar dar nach in dem vierden jar.

Textabdruck folgt dem Original.

 Siegel abgegangen.

¹Weißenu, Ravensburg, RV.

Überlieferung und Publikationen

Lagerort:

Kloster Zoffingen, Lehrinstitut in Konstanz

Signatur/Titel des Originals:

U 14

Überlieferung und Textkritik:

Original.

Regesten:

ERNST HERMANN JOSEPH MÜNCH (HRSG.): Geschichte des Hauses und Landes Fürstenberg: aus Urkunden und besten Quellen, 4 Bde., Aachen und Leipzig 1829-47, 5, 200, n. 233, 1 mit Juni 17 bis Juli 1.

Weitere Angaben

Beschreibstoff:

Pergament

Sprache:

Deutsch

Ausstellungsort:

Ohne Ortsangabe

Ortsindex:

Bermatingen Wohnplatz (17796)
 Bermatingen, FN
 Deggenhausen Wohnplatz (18480)
 Deggenhausen, Deggenhausertal, FN
 Konstanz Wohnplatz (14442)
 Konstanz, KN
 Löwental Wohnplatz (17890)
 Löwental, Friedrichshafen, FN
 Markdorf Wohnplatz (18037)
 Markdorf, FN
 Nördlingen, DON
 Schnetzenhausen Wohnplatz (17902)
 Schnetzenhausen, Friedrichshafen, FN
 Weißenau Wohnplatz (20163)
 Weißenau, Ravensburg, RV
 Wiggenweiler Wohnplatz (17799)
 Wiggenweiler, Bermatingen, FN